

UniSZA sasar pelajar cemerlang



Alimuddin (kiri) bersama Naib Canselor UniSZA Prof Dr Yahaya Ibrahim selepas mesyuarat Lembaga Pengarah Universiti di Kampus Gong Badak, Kuala Terengganu. [FOTO ASLINA ABU BAKAR/BH]

Kuala Terengganu: Universiti Sultan Zainal Abidin (UniSZA) akan menarik lebih ramai pelajar cemerlang dari dalam dan luar negara melanjutkan pengajian di universiti itu.

Usaha itu selaras hasrat Kementerian Pengajian Tinggi (KPT) yang ingin menjadikan Malaysia sebagai hub pendidikan di rantau Asia selain meningkatkan pencapaian uni-

versiti itu.

Pengerusi UniSZA, Tan Sri Alimuddin Mohd Dom, berkata dengan adanya kemudahan yang disumbangkan Kerajaan Pusat dan negeri, UniSZA yakin dapat menarik lebih ramai pelajar dari dalam dan luar negara.

Bincang hala tuju

Katanya, UniSZA sudah mengadakan perbincangan dengan

semua kakitangan untuk menjelaskan hala tuju universiti dan pelan strategi universiti ini dengan cara lebih berkesan.

"Malah, dengan kadar yuran yang lebih rendah berbanding universiti lain, saya harap ia boleh menjadi penarik kepada pelajar luar negara untuk melanjutkan pelajaran ke UniSZA.

"Selain itu, UniSZA menyediakan program yang mampu

FAKTA NOMBOR

404.7 hektar

tanah diterima UniSZA untuk mengendalikan Fakulti Pertanian

menarik minat pelajar khususnya dari rantau Asia iaitu dalam pendidikan Islam, perubatan, teknologi maklumat dan pertanian," katanya selepas merasmikan mesyuarat Lembaga Pengarah Universiti (LPU) di Gong Badak, di sini.

Asas pendidikan terbaik

Alimuddin berkata, UniSZA tidak ada masalah untuk melonjakkan namanya kerana Terengganu sudah mempunyai asas pendidikan terbaik di peringkat rendah dan menengah.

Katanya, UniSZA sudah menerima tanah seluas 404.7 hektar di Besut untuk mengendalikan Fakulti Pertanian.

"Terengganu terkenal dengan pertanian, oleh itu universiti berbesar hati dalam membantu kerajaan dan penduduk meningkatkan pendapatan dalam sektor ini.

"Kami juga membantu menyelidik hasil tanaman yang boleh memberi manfaat kepada penduduk di negeri ini," katanya.